

## PAGESUSI GIYA 16

# Ang Sekreto sa Langitnong Pahulay

**P**ipila ka tuig ang nanlabay ang uban panagna nga dili madugay duna kita'y daghang bakanting panahon kay sa atong mahibaloan unsaon pagbuhat nini. Adunay maayong mga hinungdan alang niadtong nanagsalig sa mga panagna. Sa mga ciudad sa kalibutan sa mga computer diin ang kagahub magalungtad sa binulan nga buluhaton, kini tipik lamang sa segundo tapuson. Ug ang mga robot maoy magadumala sa makapoy nga trabaho sa mga industriya.

Apan human sa Computer mikaylap toyok sa kalibutan automatic nga ang katawhan dili na maglisud kay sa kaniadto. Katawhan daw wala nay igong panahon karong adlaw. Labaw sa tanan, ang mga pamilya daw wala nay panahon. Ang mga magtiayon wala nay igong panahon makig-uban sa ilang kabataan, labaw na sa matag usa kanila.

Usa ka pagtuon sa gamay nga kumunidad nagpakita nga ang oras sa panahon sa matag adlaw nga ang mga amahan ngadto uban sa ilang pinakagamay nga anak adunay lamang 37 segundos. Ang mga pamilya wala nay panahon ug wala nay atiman.

Unsaon nato pagkalma hinay-hinay aron makaatiman sa atong panimalay pagusab?

## I. ANG PAMAAGI ALANG SA MASAKO NGA PAGKINABUHI

Si Jesus nakasabot sa mga problema sa mga pamilya ilalum sa kabalaka, ug gusto niya nga kita makasabut nga ang spirituhanong pagpahulay kabahin sa kalidad nga pagkinabuhi.

*“UMARI KANAKO kamong tanan nga nabudlay ug nabug-atan, ug PAPAHLAYON KO KAMO. Isangon ninyo ang akong yugo diha kaninyo ug PAGTUON KAMO GIKAN KANAKO; kay ako maaghop ug mapaubsanon sa kasangkasing ug makakaplag kamo'g PAHLAY ALANG SA INYONG KALAG” (Mateo 11:28,29)*

Ang Bibliya nagsugyot nga atong sination kining klase sa pahulay sa duha ka paagi: ang pagduol ngadto kang Kristo sa pareho (a) kada-adlaw ug (b) kada semana nga paagi.

## II. ANG KADA-ADLAW NGA PAGDUGTONG UBAN NI JESUS.

Ang duot sa katawhan kanupay, naghugyaw pagkuha sa atensyon ni Jesus. Apan si Kristo nakigsugilanon sa malinawon nga paagi, ug ang malinawon nga espiritu sa matag usa nagapalibot kaniya.

Sa unsang paagi? Iyang gigugol ang panahon sa kada adlaw nga makigdugtong uban sa Iyang Langitnong Amahan. Siya nagsalig sa Iyang Amahan sa kanunay alang sa tinubdan nga makab-ot ang mga hagit sa kinabuhi (Juan 6:57).

Kon kita ipagpuyo sa malinawon ug malig-on nga pagkinabuhi sama kaniya, kinahanglan kita kanunay magasalig kang Jesus- himoa nga ang Iyang Pulong ug Espiritu magapuno kanato ug maga-umol kanato.

Ang pinaka maayong paagi sa pag-asdang sa mga pwersa nga nagdila-ab kanato sa pagpahamulag ug pahilayo kanato ingon nga panimalay, mao ang pagmugna sa kalidad nga panahon uban ni Kristo. Siya miingon:

*“PABILIN KAMO KANAKO ug pabilin ako kaninyo, kay GAWAS KANAKO WALA GAYUD KAMOY ARANG MAHIMO” — (Juan 15:4,5)*

Usa sa pinakadako nga panginahanglan sa atong panahon mao ang katawhan madugtong sa spirituhanong tinubdan nga magamit pinaagi sa pagporma kada adlaw nga relasyon uban ni Jesus. Usa ka mahinongdanong ponto nga kinahanglan mapasabot mahitungod sa atong relasyon uban ni Kristo mao ang Iyang natapus nga buhat didto sa krus.

Tinuod nga pahulay, tinuod nga kasigurohan magalongtad lamang tungod sa dakong kalampanan ni Jesus sa dihang mihilak siya sa dayon niyang kamatay:

*“Natapos na” (Juan 19:30) sa laing bahin, ang iyang bulahaton sa pagluwas kanato na completo na.*

*“Apan ingon sa karon, sa MAKAUSA RA ug sa wala nay pagsubli-subli Siya mitungha sa katapusan sa kapanahunan aron sa PAG-WAGTANG SA SALA pinaagi sa paghalad ni Jesus sa pagkamatay sa iyang kaugalinon.” — (Hebrohanon 9:26)*

Sa pagkamatay ni Jesus, Iyang “giwagtang ang sala”. Mao nang ginaingon nga ang motuo nga nagsugid sa iyang mga sala “makapahulay” sa natapus nga buhat ni Kristo. Kita nangadawat .

Ang sala naglimin likod sa sobra natong pangagpas sa atong mga kinabuhi karon. Apan gisulbad ni Jesus ang problema sa sala sa makausa alang sa tanan didto sa krus. Si Jesus mihilak, “natapus na” dayong silyo sa Iyang saad nga “Hatagan ko kamo’g kapahulayan” ingon nga natukod nga saksi o kamatuoran. Natapos ni Kristo ang iyang buluhaton sa pagluwas kanato didto sa kalbaryo sa krus. (Tito 2:14) Unya siya nagpahulay sa lubnganan sa sabado/igpapahulay, ug mibangon gikan sa lubnganan sa buntag sa Domingo ingon nga mananaug batok sa sala ug kamatayon.

Ang Kristohanon wala nay mas dako pa nga kasigurohan kay sa pagpahulay sa natapus na nga bulotahon ni Kristo.

***“Busa manoul kita sa Dios uban ang matinuoron nga kasingkasing nga SA HINGPIT PINASALIGAN SA PAGTOO... busa pangusgan ta paghupot ang paglaum sa atong tinuohan, kay KASALIGAN SIYA NGA MISAAD KANATO.” —Hebreohanon 10:22-23***

Tungod Siya, “misaad nga matinumanon” kita makasulod ngadto sa kapahulayang kaluwasan nga gisaad ni Jesus. Ang kalig-on kamalinawon, ug kapahulayan nga atong nasinati ni Jesus sa matag adlaw maoy resulta dili sa mga butang nga atong nahimo, apon tungod sa Iyang nahimo didto sa krus.

Makapahulay kita diha kang Kristo tungod kay ang atong kaluwasan siguro na. Kana nga kasigurohan magaumol kanato sa paghatag panahon uban ni Kristo matag adlaw, nga nagakinabuhi sa Iyang Pulong ug nagginghawa sa kahanginan sa langit pinaagi sa pag-ampo. Ang pakigsandurot uban ni Jesus maga tabang kanato sa pagtalikod sa masulob-on nga stilo sa pagkinabuhi ngadto sa malinawon ug mapuslanon nga pagkinabuhi.

### **3. ANG SEMANA NGA KADUGTUNGAN UBAN NI JESUS.**

Human gimugna ni Kristo ang kalibutan sulod sa unom ka mga adlaw (Colosas 1:16) naghatag siya ug Sabado nga pagpahulay. Kining senimana nga kahigayonan alang kanato sa pagkoltibar ug pag atiman sa atong koneksyon uban kaniya

***“Ug nakita sa Dios ang tanang butang nga Iyang gibuhat, ug tan-arwa kini mayoo kaayo. Ug dihay kahaponon ug dihay kabuntagon, adlaw nga ikaunom. Ug sa adlaw nga ikapito natapus sa Dios ang buhat nga iyang gihimo ug MIPAHULAY siya sa Adlaw nga ikapito gikan sa tanan niyang mga buhat nga iyang nahimo” —(Genesis 1:13; 2:3-4)***

Ingon nga ilang magbubuhat si Jesus “mipahulay” sa unang Sabado uban ni Adan ug Eba, ug Iyang gipanalanginan ang adlaw nga Sabado ug Gibalaan kini” Ang Dios nagtukod sa pito ka adlaw senimana nga paghinumdom, dili sa iyang kaugalingon nga kaayohan, apan alang kang Adan ug Eba ug alang kanato karon. Tungod sa Iyang pag-amuma pag-ayo sa katawhan nga iyang gilalang, iyang giplano ang matag ikapito ka adlaw sa tibuok nilang mga kinabuhi kinahanglan ididikar pagpangita sa Iyang precencia.

Matag Sabado, sumala sa Iyang pagtawag niini. Pareho, kini usa ka adlaw sa physical nga pahulay ug spirituhanon kabaskog. Ang pagsulod sa sala dinhi sa atong kalibutan, nagahimo lamang sa panginahanglan alang sa Sabado nga pahulay nga mas sigurado ug matuod.

Ang maong Manluluwas nga nagsaad kang Adan ug Eba sa “pahulay” mga dos mil anyos ang nakalabay nga naghatag sa balaod kay Moises didto sa Sinai (1 Corinto 10:1-4) Si Jesus nagpili pagbutang igpapahulay nga Sabado nga tunga-tunga nga balaod sa napulo ka sugo. Ang ikaupat ka sugo mabasa:

***“HINUMDUMAN MO ANG ADLAW IGPAPAHULAY, ARON SA PAGBALAAN NIINI. Sa unom ka adlaw magbuhat ka, ug buhaton mo ang tanan nga imong bulohaton: apan ang adlaw nga ikapito maoy usa ka adlaw nga igpapahulay alang kang Jehova nga imong Dios. Niining adlaw dili ka magbuhat; ikaw, bisan ang imong anak nga babaye, bisan ang imong anak nga lalaki, bisan ang imong sulugoon nga lalaki, bisan ang imong sulugoon nga babaye, bisan ang imong kahayopan, bisan ang imong dumuloong nga ana-a sa sulod sa imong mga pultahan.” Kay sa unom ka adlaw gibuhat sa Dios ang langit ug ang yuta ang dagat ug ang tanan nga ana-a niini, ug MIPAHULAY sa ikapito ka adlaw; busa GIPANALANGINAN ni Jehova ang adlaw nga igpapahulay, ug GIBALAN NIYA KINI.” —Exodo 20:8-11***

Gitukod sa Dios ang Sabado ingon nga adlaw sa “paghinumdom”, sa Ginoo nga “nagbuhat sa langit ug sa yuta. Ang Sabado nga igpapahulay matag semana nagadugtong kanato ngadto sa Magbubuhat nga nagpanalangin niini nga adlaw ug nagpahaluna niini.

Sa dinhi pa si Jesus nagpuyo sa yuta, iyang gikuha ang kahigayonan sa matag oportunidad sa pagsus-tenso sa Iyang pakighiusa uban sa Amahan. Siya nakapahimulos gikan sa Sabado nga igpapahulay pinaagi sa pagsimba sa Sabado, sumala sa gisulti ni Lukas

***“Ug siya miabut sa Nazareth, diin didto siya magtubo; ug sumala sa IYANG NABATASAN,***

*siya misulod sa sinagoga sa ADLAW NGA IGPAPAHULAY ug siya mitindog aron sa sa pag-basa.” — (Lukas 4:16)*

Kon ang balaang tawo nga si Jesus nagkinahanglan sa pahulay diha sa presencia sa Amahan sa adlaw nga igpapahulay, kita nga mga nilalang nga tawo mas kinahanglan niini ug dugang. Sa dihang giwala ni Jesus ang kalainan nga gibutang sa mga Judio ngadto sa Sabado (Mateo 12:1-12) iyang gitumbok nga ang Dios naghimo niini aron makabupisyon ang katawhan:

*“Siya niingon kanila, “Ang igpapahulay gihimo alang sa tawo, dili ang tawo alang sa igpapahulay. Busa ang anak sa tawo Ginoo bisan sa adlaw nga igpapahulay.” — (Marcos 2:27,28.)*

Gipasabut ni Jesus ang kamahinungdanon sa igpapahulay bisan sa iyang kamatayon. Namatay siya sa Biernes,” Ang adlaw sa pangandam ug ang igpapahulay magasugod na” (Lukas 23:54). Sa takna nga siya nagdeklarar, “natapus na,” nga ang iyang buhat pagbalik sa kalibutan ug kamatayon ingon nga puli alang sa katawhan na hingpit (Juan 19:30).

Dayon sa pagsaulog sa iyang natapus nga misyon, Si Jesus mipahulay sa lubnganan sa adlaw nga igpapahulay.

Sama sa nakumpleto ni kristo ang iyang buhat sa paglalang sa ikaunom ka adlaw ug mipahulay sa ikapito, maingon man ang pagkamatay sa krus iyang natapus ang iyang buhat sa pagluwas sa adlaw nga ikaunom, ug mipahulay sa ikapito.

Pagka Domingo sa buntag si Jesus migawas gikan sa lubnganan, usa ka madaugon nga manluluwas (Lukas 24:1-7). Iya nang gisultihan ang iyang mga tinun-an sa pagbantay sa Sabado mahitungud sa kadaut ug kagun-ob sa Jesuralem, nga nahitabo dul-an sa 40 anyos human siya namatay, Siya miingon kanila:

*“Pag-ampo kamo nga unta ang inyong paglagiw dili mahiabot sa tingtugnaw o sa adlaw nga igpapahulay” — (Mateo 24:20).*

Ang atong Manluluwas gusto nga ang mga convertido sa iyang mga tinun-an magapadayon sa Iyang gitudlo ngadto kanila (Juan 5:15,16). Gusto Niya nga sila makasinati sa kaluwasan nga igpapahulay. Wala nila pakyasa Siya. Ang mga tinun-an nagpadayon sa pagbantay sa Sabado human si Kristo namatay (Tan-awa ang Lukas 23:54-56; Buhat 13;14; 16:13;17:12; 18:1-4).

Ang mahigugmaong Apostol Juan nagbantay sa senimanang pagdugtong uban ni Kristo sa adlawng Sabado. Sa Iyang sinulat katuigan ang nanlabay iyang gisulat “sa adlaw sa Dios ako anaa sa spiritu” (Pina-dayag 1:10). Sumala ni Jesus, “Ang Adlaw sa Dios” mao ang igpapahulay, “Tungod kay ang Anak sa tawo Ginoo sa Igpapulay” (Mateo 12:8)

Sa adlawng igpapahulay kita nagasaulog sa duha ka dagkong kalampusan sa Ginoo alang kanato. Ang pagbuhat kanato ug ang pagluwas kanato. Kining kasinatian sa Sabado nga igpapahulay magapadayon kini didto sa langit:

*“Kay ingon nga ang bag-ong langit ug bag-ong yuta, nga akong pagabuhaton, magapabilin sa akong atubangan, miingon si Jehova;... gikan sa usa ka adlawng igpapahulay hangtud sa usa, ang tanang mga katawhan manganhi aron sa pagsimba sa akong atubangan ni Jehova.” — (Isayas 66:22,23)*

#### 4. ANG MGA KAAYOHAN SA SABADO NGA IGPAPAHULAY

Ang katawhan karon nangataranta sa usag-usa sa ilang makasusubo nga kinabuhi. Ang matag tawo mainiton sa kaugalinon. Mga panimalay nabungkag ilalum sanod sa kaliwatan. Apan ang Dios naghanyag sa Sabado nga igpapahulay nga mas maayo nga paagi sa pagpuyo sa maayong pagkinabuhi.

Atong lantawon ubang lina-in nga mga kaayohan sa Sabadong igpapahulay:

**(1) Ang Sabado usa ka handuman sa paglalang, ug ang pagbantay nini nga balaan, nagtukod kita ug handumanan ngadto sa atong maglalalang.** Ang balaang mga oras naghanyag sa katingalahang kahigayonan nga madugtong sa atong mga kaliwatan sa gibuhat sa kalibutan sa Dios.

Kanus-a ang katapusang higayon nga ikaw ug ang imong panimalay nagkauban sa usa ka panahon sa mahilum ug matahum nga dalan sa kinaiyahan sa kalasangan o sa bato-on nga kasapa-an?

Ang Sabado nagahatag kanato’g panahon sa pakig-uban ni Jesus ug sa pag-aninaw sa mga kahibulongan nga Iyang nahimo alang kanato.

**(2) Sa adlawng Sabado atong masinati ang kalipay sa pagsimba ug panagtipon ngadto as ubang mga Kristohanon.** Adunay kaayohan sa pagdayeg sa Dios kauban sa ubang pondok sa nanagsimba. Ang Sabado naghatag kanato nianang pinasahi nga panahon sa panaghiusa ingon nga lawas sa Iglesia aron sa pagpainsit sa atong spirituhanong kainiton.

**(3) Ang Sabado naghatag mga kahigayonan sa pagdumala sa mahunahuna-ong mga buhat sa kaayo-**

**han.** Adunay bay silingan nga nagsakit niini nga semana ug wala kay panahon sa pagbisita? Kon ang usa ka higala nagkinanhanglan sa maluloy-on nga pag-amuma human namatay ang Iyang bana. Ang kalisod ba sa adlaw-adlaw nga pagkinabuhi maoy nakapugong kanimo sa pag-atiman ug pagtabang kaniya? Si Jesus nagtambag; “Busa ayon sa kasugoan ang pagbuhat og maayo sa adlaw nga igpapahulay (Mateo 12:12)

**(4) Ang Sabado maoy adlaw sa paglig-on sa bugkos sa panimalay.** Sa pagmando ni Kristo “Sa adlaw nga Sabado dili ka magbuhat sa bisan unsang buluhaton” (Ex 20:10) Wala siya naghatag ug arang-arang kamandoan sa mga kugihan nga amahan ug kugihan nga inahan. Ang Sabado maoy dako nga ilhanan sa PAGPAHULAY alang sa pamilya. Ipahunong ang labing dinaliang mga butang nga nagapadugok sa labing mahinungdanon mga butang. Ang Sabado usa ka adlaw diin atong ampulihan ang gibug-aton uban sa pag-ampo, pagbudlay, uban ang kalipay, kasako nga mga tulomanon uban ang kalinaw nga panghunahuna. Ang Sabadong igpaapulay nagahatag sa tibook pamilya ug panahon sa pagdugtong uban ni Kristo ngadto sa Iyang spirituhanong pagkabaskog.

**(5) Ang Sabado maoy panahon diin si Jesus magaabut sa pinasahi nga kasuod.** Matag relasyon nagkinanhanglan sa tukmang panahon, ug ang atong relasyon diha ni Kristo dili gawasnon, ang pagtugyan sa tibook nga adlaw ngadto kang Kristo sa matag semana maoy dakong pinaagi sa pagbantay sa atong panghigala uban kaniya sa kapresko ug sa kamalipayon.

Ang Sabado nagahatag kanato dugang panahon alang sa pagtuon sa Bibliya ug pag-ampo, dugang panahon pag-inusara uban ni Kristo sa malinawon nga dapit ug maminaw.

Si Jesus “nagpanalangin sa ikapito ka adlaw ug gipanalangin kini “uban sa saad sa Iyang presenya. (Genesis 2:3) Ikaw makasabot nganong mahinungdanon ang pagbantay sa Sabado, ang ikapito nga adlaw semana ingon nga Sabado, tungod kay mao kini ang adlaw nga gigahin ni Kristo sa paglalang sa pakigsulti kanato sa pinasahi nga paagi.

Sa dihang gibuhat sa Dios ang Sabado hapit susama nga ana-a sa iyang huna-huna ang atong kaliwatan karon. Insakto gayud nga atong gikinahanglan sa atong nagkaguliyang nga palibot: ang adlaw nga matuod usa ka hingpit nga pagpahulay sa tanang mga butang.

Usa ka adlaw sa pagsimba sa Dios, nga makasud-ong sa mga binuhat pag-usab, ug makahaman sa atong relasyon inay ngadto sa mga butang.

## 5. ANG PAG-ANGKON SA LANGITNONG KAPAHULAYAN.

Atong mahiusa ang tanan nga kaayohan pagpakiglambigit uban ni Jesus pinaagi sa adlaw-adlaw ug senimana nga pag-asdang sa pulong-pahulay. Ang pulong “Sabado/Pahulay” gikan sa pulong Hebreo nga pagpahulay, busa dili ikatingala nga ang kasulatan nagtawag sa ikapito nga adlaw nga “Sabado sa pagpahulay” (Leviticus 23:3).

**“Ang Dios nagsulti mahitungod sa ikapito ka adlaw nga ingon niini nga pinaagi: ug sa ikapito ka adlaw ang Dios mipahulay gikan sa Iyang tanang mga buhat... BUSA MAGPABILIN PA DIAY ANG USA KA KAPAHULAYAN NGA GITAGANA ALANG SA MGA TAWO SA DIOS... Busa kinahanglan panlimbasugan ta ang pagsulod sa maong kapahulayan” — (Hebreohanon 4: 4-11)**

Ang pagsinati sa Sabado nga pahulay” Naghatag kanato sa senimana nga pag-angkon sa kalipay nga atong masinatian sa hingpit nga kapahulayan sa Langit. Kini nga pahulay dili lang kay gimbuhatun, kini nagatudlo sa pagbati sa kasigurohan, kalinaw ug kinatibuk-an sa tawo, nga sa tinubdan sa matuod nga kinabuhing abunda. Kining klase sa spirituhanon nga pagpahulay madayeg lamang pinaagi sa kasinatian.

Ang sugilanon niadtong nakasinati sa kaluwasan nga pagpahulay ug sabado nga kapahulayan kini kinatibuk-an: “Kon ikaw mosulod ngadto sa kapahulayan ni Jesus pinaagi sa matag-adlaw ug senimana nga kadugtungan uban kaniya, imong makaplagan ang dakong kalipay sa kinabuhi,”

Gusto ba nimong pasalamatan si Jesus alang sa Iyang gasa nga kapahulayan? Gusto ka ba nga magpasalamat kaniya sa saad nga kaluwasan nga pahulay sa matag adlaw aron sa pag-atubang sa hagit sa kinabuhi, ug alang sa saad sa adlawang igpapahulay sa matag semana aron paglig-on sa imong relasyon uban kaniya? Kon wala pa ikaw makahimo niini, gusto ba nimong dawaton ang kaluwasan nga Iyang gihanyag? Gusto ba nimong sultihan Siya sa imong handom sa pagbantay sa iyang igpapahulay sa matag semana? Gusto ba nimong isulti, “O Ginoo, akong handom ang pagpangita sa kahayag sa adlaw nga imong gitukod.” Nganong dili man na himoon nga pakigsaad karon dayon?

[Tingali matingala ikaw” Kinsa ang nag-usab sa igpapahulay gikan sa Sabado, ang ikapitong adlaw sa semana ngadto sa Domingo, ang unang adlaw sa semana? Kanus-a ang pag-usab gihimo? Ang Dios ba adunay pagtugot niini nga kausaban? Kini nga mga pangutana matubag sa Giya 21.